

溫江縣志卷三十四

雜識

大佛像 邑南十里開講寺像塑自明高約二丈圍數尋腹中空背有竅獻賊之亂居民幾無遺子惟范一英匿其中得免今近寺范姓乃其裔也冀郡伯應熊書聯云山河天眼裏世界法身中

明遺像 邑城隍赤銅鑄 龍迴寺有銅佛一尊右袒蟠坐高六尺許大二十餘圍又有鐵大士普賢文殊 西禪寺有鐵佛高丈餘大二十圍 開

溫江縣志

卷三十四

雜識

一

國寺雍正六年十月初二日墾地挖出石佛一尊係洪武甲子年造鐵韋馱一尊係萬歷三十年二

月十三日鑄 燃燈寺石佛一尊係洪武元年十月初一日造銅地藏菩薩一尊與燃燈同時造

十二覺 邑寺名西十里為正覺今胡家樓北二十八

里為大覺十五里為慧覺東南十六里為明覺南十七里為圓覺今慕家寺餘未詳

城隍下院 俗名戴家寺前邑令林西崖雋懸匾更今名寺僧墾地得古碑有蟠龍古刹字

天官墓 邑西十里墓有三一曹天官國武墓在羅武奇地界墓碑今爲昭聖東岳二寺適中路橋石字面向下居人相傳昭聖寺卽其第宅也一戴天官子寧墓在梅家林一某天官姓名無考墓在德廣橋西黃姓林內碑字剝蝕僅存明故天官四字

任公墓 邑東釣魚江有明都堂任漢墓其地昔爲居民侵佔乾隆五十年生員周偉監生羅春富等稟縣學監生胡時超捐錢二十千文贖侵地

溫江縣志

卷三十四

雜識

二

築牆垣招佃看守祭埽

祝公墓 邑西五里官莊壩相傳明戶部主事祝公名遐齡宅地公偕妻墓在此相去不遠墓碑俱存

韓公墓 邑南十五里黃姓地內有古墓三座巍然隆起里人相傳爲韓進士墓昔有碑今無其科分名字官爵皆失考

鐵墓 邑東一里一座高六尺圍約數丈舊有殘碑今毀相傳爲萬歷間墓南慕家寺一座墓內

時有鼓樂聲乾隆二十五年寺僧商於居民壘土
爲基改建大殿於上後遂寂然今人或以重物擲
殿中其下猶甕然有聲也

貢士墓 邑北二里有明貢士馮忠吾夫婦墓碑
碣猶存

都堂遺蹟 邑西南十五里清泰寺有明時所鑄
鐘里人相傳爲任漢香火竝云任姓地畝甚寬西
至三渡水東北至新開江獻賊之亂團家聚勇與
賊相持於長灘地名戰敗全家覆沒子孫鮮有子

溫江縣志

卷三十四

雜識

三

遺

梁氏遺跡 邑東十三里雞鳴橋係明進士梁萬
鍾致仕歸課子孫每於雞鳴時輒喚起誦讀至昏
始息後孫祖齡登萬歷丙戌進士感祖雞鳴之訓
易木爲石遂以名橋

文峯閣 前有字庫胡時超捐資創建上塑奎星
落成有羽士來題聯云筆尖點破三元路斗量全
收一氣春

馬 廐 邑東迤南二十里相傳前明蜀王養馬

處

龍家營 邑東十五里康熙初年因吳逆之變四
川路總管爵標將軍龍現翼曾住兵於此今將臺
基址猶存

任家街 邑南白塔之西相傳明都堂任漢故址
判官橋 曹天官之子爲判官其名失考明時創
建橋成衆請之踏橋因以名

盧生夢 邑南昇平場乾隆四十五年庚子邑歲
貢生盧因張夜夢峩冠博帶凡三人詣家求廟基

溫江縣志

卷三十四

雜識

四

翼早會街鄰言夢無殊因許之卽今廟基也內塑
神三尊一爲藥王嘉慶十二年其姪監生張敬以
廟基狹隘又捐地二畝建樂樓

劉春開 楚人 國初爲蜀雲騎尉致仕徙家於
邑之石家廟傍廟傾圮爲修造功竣如寺聞茂林
突出虎噬人開怒奮臂逐虎虎逸去衆益驚愕開
曰毋憂今晚矣詰朝圖之旋家和衣卧妻妾挑燈
以俟三漏聞風嘯聲疾起見血濺地妻妾虎掠去
矣開涕泣沾襟執戈箭追入林月光下見虎方噉

其妻妾疾與鬪斃一虎一負箭逃潛伏大阜尾之
虎躍起攫開卒鄰人具衣棺瘞之越一日前中箭
虎倚開墳死

古鐘磬 燃燈寺鐵鐘一口明萬歷七年十二月
十二日鑄鐵磬一口萬歷四十五年九月鑄

妙林寺舊名王家廟鐵磬一口係萬歷二十五年
十月初二日地主都察院御史楊泰字德中鑄

辟塵珠 邑西北三十餘里有清涼寺居民相傳
明太祖會經過寓寺藻井上畱有辟塵珠灰塵不

溫江縣志

卷三十四

雜識

五

撲又有碑及古蹟

古 柏 邑學署內有二株計數百年左株中空

抱槐樹大可拱把右株枝葉形如獅子臨風欲活

連理坊 邑東十三里古峯寺有桐樹四株大十

圍枝幹交互成坊形因以名

黃鶴巢 邑南二十里劉家濠禹王宮自明有之

康熙戊戌伍一蕃楊異羣張宜湯等募金重建其

地甚爽塏左新溝江右金馬江縈帶廟址中有黃

葛樹二株枝葉竝茂蔭翳畝餘時有黃鶴來巢

石笕 邑南白塔下流之東有鎮江橋橋下有二石笕橫伏水底其工堅緻自西通水灌東岸田數百畝民賴其利

義犬 邑東十里報恩寺創自明末有僧寓此善懺悔求者甚夥日久積有金傭某利其積謀溺於井匿金亡去久之邑宰經寺側有犬出向宰悲號遣役隨之入寺至井止宰命視井中有屍縋出乃僧也驗有傷訊衆俱莫識宰擬回署再理犬阻歸路俯首哀號似識仇者宰會意簽役偕往及井研

適傭入市犬齧其衣役拘歸訊吐其實按律擬定犬撞僧柩斃